



# Concello da Coruña

## INSTRUCCIÓNS PARA AS PERSOAS ASPIRANTES PARA A REALIZACION DO SEGUNDO EXERCICIO DA FASE DE OPOSICION DO PROCESO SELECTIVO POLO QUE SE CONVOCAN 11 PRAZAS DE SUBALTERNO (AP), DA ESCALA SUBALTERNA, C.E. 7/24 (BOP NÚM. 166 DE 29.08.2024)

### 1. Obxecto do exercicio:

- Consistirá en resolver un suposto práctico, a elixir entre dous propostos polo tribunal, relativo aos contidos das materias comprendidas na parte específica do temario anexo e as funcións da praza convocada.
- Para a súa realización **disporase de 120 minutos**.
- Neste exercicio, valorarase a capacidade de análise e a aplicación razoada dos coñecementos teóricos á resolución das actuacións prácticas obxecto do suposto e a calidade da actuación realizada. Estimarase especialmente a sistemática, calidade e adecuación da execución realizada polas persoas aspirantes.

### 2. Procedemento previo ao inicio:

- Entregarase unha folla de datos persoais, que deberá cubrirse ao inicio.
- Unha vez completada, deberá dobrarse e introducirse no sobre facilitado polo Tribunal, que se pechará inmediatamente.

### 3. Normas para a realización do exercicio:

- O exame cubrirase exclusivamente con bolígrafo de **tinta azul ou negra**.
- Utilizaranse follas autocopiativas proporcionadas polo Tribunal. Só poderá empregarse a cara superior das mesmas. Non serán obxecto de cualificación as respostas no reverso da folla.
- **Está terminantemente prohibido asinar ou consignar calquera dato ou sinal identificativa nos impresos. O incumprimento deste punto comportará a expulsión inmediata e a non corrección do exame.**
- En caso de erro, pedirán unha nova folla que substituirá á anterior, que se destruirá diante da persoa aspirante.
- As follas deberán numerarse antes da súa entrega, indicando en cada unha delas o número correspondente.

### 4. Garantía de anonimato:

- No momento da entrega do exame, colocarase un adhesivo cun código de barras tanto no exame escrito como no sobre pechado cos datos identificativos, para garantir o anonimato no proceso de corrección.

### 5. Cualificación do exercicio:

- O exercicio será cualificado cun máximo de 30 puntos.
- Para superalo será necesario acadar un mínimo de 15 puntos. Eliminaranse as persoas aspirantes que non acaden esta puntuación.
- O tribunal determinará o nivel de coñecementos esixidos para acadar a devandita puntuación mínima de conformidade cos criterios xa citados.

### 6. Desenvolvemento da proba:

- O Tribunal avisará cando falten **60, 30 e 15 minutos** para a hora de finalización.
- **Non se poderá abandonar a sala ata que non transcorresen os primeiros 30 minutos.**
- As follas de preguntas permanecerán boca abaixo ata a orde de inicio.
- Se algunha persoa non dispón do material necesario, deberá levantar a man e esperar a ser atendida.
- Deberase manter o DNI ou documento identificativo á vista.
- O material non necesario para realizar a proba deixarase no chan antes do seu inicio.



# Concello da Coruña

## 7. **Uso de aparellos electrónicos:**

- O uso de aparellos electrónicos está estritamente prohibido, polo que deberán de permanecer apagados.
- **O incumprimento desta norma comportará a expulsión inmediata e a non corrección do exame.**
- As persoas opositoras deberán manter, en todo momento, as orellas e pulsos descubertos, para a comprobación deste extremo.

## 8. **Saídas e incidencias:**

- Non se permitirá abandonar a sala durante a proba, salvo entrega do exame ou causas xustificadas. Para calquera incidencia deberá levantarse a man.

## 9. **Finalización e entrega:**

- Unha vez finalizado o exercicio, a persoa opositora deberá levantar a man para comunicar esta circunstancia ao tribunal. A continuación, un membro do tribunal ou do persoal colaborador achegarase ao seu posto para proceder á recollida do exame. Procederase a separar as follas principais das copias do exercicio e a grampalas en orde, entregaranse as copias á persoa opositora. A persoa opositora terá dereito a levar a copia dos supostos propostos.

## 10. **Acreditación da presentación:**

- As persoas participantes poderán solicitar un certificado acreditativo da súa presentación ao exercicio.